

اسلام مجموعه سی

مسلمانانك فائده سنه چالیشیر

اون بش کونده بر چیقار

صافی: ۶۳ — ۲۳ محرم ۱۳۳۷ — ۳۰ تشرین اول ۱۳۳۴ میل: ۴

قرآن کریم

مانده سوره سی

بسم الله الرحمن الرحيم

یا ایها الذین امنوا من رتد.... فلاخوف علیهم ولاهم یحزنون
(۵۷) ای مؤمنان سزندن کیم که دینندن چیقار سه دینه بر ضرر کلز؛ زیر اجناب
حق کندیلرینی سور انلرده الهی سورلر و مؤمنلره تواضعله معامله و کفاره
شدتله عداوت ایدوب فی سبیل الله مجاهده ایدرک لوم لایمندن قورقیان بر قوم
خلق ایدر. ایشته بوده جناب حقه بر فضل و کرمی در که دیلدیکنه احسان
ایدر. انک فضلی واسع و مستحق کرملری علیمدر. (۵۸) سزک ولی حقیقکیز
جناب حقه انک رسولی و اکا ایمان ایدنلرله اقامه صلاة ایدن وراکم
اولدقلری حالده بیله اعطای زکاة ایدنلردر. (۲۹) هر کیم که الهی و رسولی
و اهل ایمانی ولی اتخاذا ایدر اللهک حزیندن و غالبلر ننددر. (۶۰) ای
مؤمنلر سزندن اول کندیلرینه کتاب و یریلنلردن و سائر کفاردن دینکیزی
استهزا و اویونجق ایدنلری دوست اتخاذا ایتمه یک واکر مؤمنلردن ایسه کز
اللهدن قورقک (۶۱) سز نمازه ندا (۰) ایتدیککیزده انی استهزا ایله ملعبه
ایدنلر عقلسز بر خلق اولدقلری جهته بو حاله تصدی ایدرلر. (۶۲) سن انلره
[بزده نه عیب کوردیککیز که بزم الله تعالی یه و بزه انزال بیوردینی کتسابله
بزدن مقدم انزال اولناتلره ایمان ایتدیکمزله استهزا ایدرسکیز سزک چوغکیز
فاقددر] دی. (۶۳) سزه بوندن رها شر و عندالله جزاسی و یرلش اولان
احوالکیزی بیان ایدیم می دیوب [جناب حقه لغتله رحمتدن طرد
[۰] اذان اوقومق.

و کندولرینه شدتله غضب ایدره کیمنی میمون کیمنی خنزیر شکلنده قوبدینی
 آدمکرکز و شیطان طایانلرکز وارکه بونلر طوغری یولدن آزانلر و قیامتده
 اشر مکانه رجوع ایدره جک اولالردر [دی . (۶۴) انلر سزه کلوب ایمان
 ایتدک دیرلر . حالسوک کیردکرلنده کفر ایله کیردکری کبی ینسه کفر ایله
 چیقارلر . جناب حق ایسه بونلرک کتم ایتدکری پک کوزل بیلور . (۶۵)
 انلردن پک چوغنی کورورسک که معاصی و تعدییه واکل رشوت درباه
 مسارعت ایدرلر . حالبوکه انلرک بومملری پک چرکین برایشدر . (۶۶) آیا
 انلرک زهاد و علماسی بواقوال باطله و افعال قبیحدن انلری نهی ایتسه لردی
 نه اولوردی؛ فقط انلرده بونهی یایمدهلرندن پک چرکین ایشده بولندیلر .
 (۶۷) یهودیلر [الله تعالی نیک الی باغیلدر] دیوب بخل اسناد ایتدکرلندن
 کندی اللری باعلاندی و بوکلاملری سیبیلله اللهمک لعنته اوغرایوب رحمتدن
 طرد اواندیلر . جناب حقیق یدقدرتی ایسه پک آجیق اولوب نصل ایسترسه
 اوله اتفاق ایدر . انلردن اکثریسنک ربک طرفندن سکا انزال اولنان حقنده
 کفر و طغیانلری زیاده اولدیغندن قیامتده قدر ینلرینه بغض و عداوت القا
 ایتدک که هر نه زمان آتش حربی ایقاد ایتک ایسترسه جناب حق اول عداوت
 سببینه سوندیرر بونلر یر یوزنده قتته و فساد سبی ایدرلر . جناب حق ایسه
 مفسدلی سوزر . (۶۸) اکرکه اهل کتاب ایمان ایدوبده معاصیدن اتقا
 ایتسه لر بزانلرک کناهلرینی ابطال ایله کندیلرینی خبات نعیمه ادخال ایدردک .
 (۶۹) بونلر تورات و انجیلله وربلری طرفندن کندیلرینه انزال اولنسانلره
 ایمان ایله اقامه عمل ایتسیدیلر اوزلرندن و یاقلری التارندن نعمتله فرق
 اولورلردی . بونلردن بعضیلری اقتصاد اوزره اولوب پک چوغنی چرکین
 عمللرده بولندیلر . (۷۰) ای رسول [] ربک طرفندن سکا نازل اولانی
 تبلیغ ایت! اکر امر تبلیغی یا پامازسهک حق رسالتی ایفا ایتمش اولمازسک
 جناب حق ناسک شرنندن سنی مصون ایدر . کافرله هدایت ایتمز . (۷۱)
 انلره [ای اهل کتاب سز تورات و انجیل ایله ربک طرفندن انزال اولنان
 ایمان و موجبنجه عمل ایتدکجه امور دینیده هیچسکمز] ده . انلردن پک

جوئی سکا ازال اولتان حقنمه کفر و طغیانلری زیاده ایدر لر . فقط سن اول کافرین کروهنک بو حاللرندن طولای محزون اوله . (۷۲) اهل ایماندن و یهودیلردن و صائبه دن و نصارادن هر کیمکه الله ایمان ایتش و یوم اخرته اینانمشده عمل صالحده بولنش ایسه انلر ایچون خوف و حزن یوقدر .

بیاننامه

ادع الی سبیل ربک بالحکمة ...

عصر حاضرده علم اجتماع نقطه نظرندن انکشاف ایتمه باشلایان مسألدن بری ده مسئله و جداندر . یاقین زمانلره قدر یالکیز فردیت اعتباریله تدقیقه اوغراشیلان وجدانک بو کون اجتماعی شئوناتی تثبیت اولمغه و ملتک بر وجدان کلی اجتماعی ایله قائم اولدینی آکلاشلمغه باشلامشدر . قدما لسانیه افاده اولنه حق اولورسه ، ملت عدایدیلن و بر شخصیت معنویه حقوقیه اوله رق ابراز وجود ایدمک اولان هیأت اجتماعیه نک علت صوریه سی وجدان کلیسندن عبارت دیمک لازم کله جکدر .

تاریخ ادیان اربابنک تعریفده اتفاق ایدمیه یوب طور دقلری دین مطلق ، ملتک وجدان اجتماعیلری اشعار ایدن مبادی کلیه دردنیسه حقیقه تقرب ایدمش اولور . بومبادی کرک حق و کرک باطل هر نه ایسه ، حد ذاتنده اوملتک جهت وحدت حیاتی ، وجدان کلیسی ، دینی ایشته اودر ، هر ملت بویله بروجدان ، بویله بر دین ایله قائمدر . بونک ایچوندرکه دینسز بر ملت تصوری تناسفی متضمندر . ادیان و مبادی باطله هر حالده محکوم زوالدر . فقط مبادی حقه بعضاً ماوراء شعوره آتیلسه بیله ینه دیریلیر . الی الابد دیریلیر .